

BURUNTZALDEA IKT

Buruntzaldea Igeriketa Kirol Taldea 2007ko uztailaren 5ean eratu zen Lasarte-Orian. Klubaren sorrera, bere aurretik egoera kaxkarrean zeuden beste bi kluben elkarketatik sortu zen; Lasarte Igeri Elkarte eta Andoaingo Kirol Elkarteen Klubaren elkarketak.

Gipuzkoako Federazioa, garai hartan, komarkalizazio prozesu bat bultzatzen ari zen, gure lurraldetan zehar igeriketaren kirola beherakadan zela ikusita. Andoain eta Lasarteko igeriketa taldeen egoera ere ildotik horretatik zihoan, aurreko urteetan, pixkanaka-pixkanaka, taldeak osatzentzituzten haur eta gazteen kopuruak behera egin baitzuen eta bi taldeen ardurapean zeudenek, nekez eusten ziotelako taldeek eskatzen zuten ardurari.

El club cuenta en la actualidad con 150 nadadores tras unos años en los que sólo eran 46.

Komarkalizazio prozesu horren markoa eta bi taldeen gainbeheratik sortu zen gaur egun sasoi betean den Buruntzaldea Igeriketa Kirol Taldea, bere baitan Lasarteko eta Andoaingo taldeak bilduz eta Hernani eta Usurbilgo taldeek bertan integratzeko aukera emanet. Gaur egun, taldea Lasarten eta Andoainen dago eta bietan gauzatzen ditu entrenamenduak eta bietan egiten du lan haur, igerilari gazte eta helduekin.

Lehen urteak zailak izan ziren taldearentzat. Beraien artean ezezagunak ziren haur eta gazteak elkartu ziren eta entrenaztaleak aurkitzea ere ez zen erraza izan. Hasiera batean, haur eta gazte asko bildu baziren ere, lehen urteekin kopuruak ere behera egiten jarraitu zuen lurralde osoan gertatzen ari zen egoerari jarraiki- eta esperientzia eta igeriketaren inguruko jakinza zuten entrenaztaleak aurkitzea zaila izaten jarraitzen zuen. Modu horretan, taldeak 46 igerilari besterik ez izatera iritsi zen 2009-2010 denboraldia-ren amaieran.



Se fundó en 2007 para solventar la mala situación en la que estaban los dos clubes de Lasarte y Andoain



D

enboraldi horren amaieran, zorionez, ziklo berri bat hasi zen. Entrenatzale eterri berria lanean hastearrekin batera, taldea urtez urte gero eta igerilari gehiago izatera pasa zen, etengabe, gaur egun dituen 150 igerilarietara iritsi arte. Azken zazpi denboraldi hauetan igeriketaren praktikak gora egiteaz gain, eta praktika horretan etengabe gero eta haur, gazte eta heldu gehiago formatzeaz gain, praktika horren mailak ere nabarmen egin du gora ziklo berri honen hasieratik hona.

Lehen denboraldi horretan Gipuzkoa zein Euskadiko Txapelketetako lehen postuetan izan ziren igerilariak jada eta taldean lehen aldiz Espainiako Txapelketetarako sailkapenak iristen hasi ziren Iñigo Ibarbururekin. Gerora, urtez-urte ugari izan dira maila hori lortu duten igerilari eta gazteak: Iñigo Ibarburu, Itsaso Tolosa, Haitz Mitxelena, Mikel Esnal, Naiara Lizaso, Ainara Garcia, Nahia Jie Villamediana, Irati Arzalluz, Unai G. Somovilla, Paula Sevillano, Leire Martin, Ainhoa Martin, Nahia Zudaire, ... Beste lorpen haundi bat, igerilariak aktiboan mantentzea izan da, izan ere, aipatutako zerrendatik bi baino ez dira gaur egun taldean ez daudenak eta Mikel Esnal eta Haitz Mitxelena bezelako gazteek, 25 eta 24 urterekin, oraindik ere inplikazio bete-betean jarraitzen dute.

Bestalde, gure taldeak, Lasarte Igeri Elkartea hasitako Lasarte Saria urtero ospatzen jarraitzen du eta horretaz gain, igeriketako jardunaldi desberdinan antolaketaz arduratzen da. Haur eta gazteekin ere, ugari izan dira Zuazara, Benidorm-era eta bestelako tokietara egindako irteerak eta egonaldiak, jarduera igeriketatik haratago eramanez.

El equipo ha logrado importantes éxitos a nivel estatal, autonómico y provincial

ARO BERRIKO LORPENAK

Bigarren ziklo horretan zehar, 2010-2011 denboralditik hona, taldeak zenbait lorpen izan ditu Estatu mailan eta asko Gipuzkoa eta Euskal Herri mailan, etengabeko sendotze eta formatze horren ondorioz. Espainiako Txapelketa batean taldearentzat lehen domina irabazi zuena Itsaso Tolosa izan zen: brontzea eskuratu zuen 200 bizkar proban. Geroztik, Iñigo Ibarburu izan da dominak eskratzen hurrena. 2014ko uztailean zilarra eskuratu zuen Iñigok junior mailako 100 tximeleta proban eta hurrengo denboraldian postu berbera lortu zuen. Master atalean, 2016ko otsailean jokatutako Espainiako Neguko Master Txapelketan Mikel Esnalek 4 urre irabazi zituen: 50 eta 100 libreatan, 50 bizkar proban eta 50 tximeletan. Eta Haitz Mitxelenak berriz bi, 100 eta 200 tximeletan. Horretaz gain, ugari izan dira Espainiako Txapelketetan Euskal Selekzioa defendatu duten igerilariak ere.

Honen oinarrian dagoen lorpenik handiena, hala ere, taldeak igerilari kopuruan izan duen gorakada dago. 2009-2010 denboraldiaren amaieran 50 bat igerilari izatetik, denboraldiz denboraldi, nahiko erritmo konstantean, taldeko haur eta igerilari kopuruak gora egin du, praktika honetan egin den lanaren erakusgarri eta, etorkizunera begira, oinarrizko sendo bat izatea lortuz.

ATE BERRIAK. MASTER ATALA

Igeriketa arloari gizarteratzea eta bultzada emateko asmoarekin 2012-2013 denboraldian, taldeak master atala zabaldu zuen. Garairekin bat etorriz, taldeak igerilari gazte eta helduei igeriketa kirola praktikatzeko aukera zabaldu zien. Modu horretan, igerilekuko igeriketari eta ur irekietakoari bultzadatxoa ematen lagundu du taldeak eta baita helduen kirol praktikari ere. Gaur egun, 30 bat lagun dira astean hirutan atal honetan entrenatzen dabiltzanak.



ETORKIZUNERA BEGIRA

Etorkizunera begira ere badago taldea. Aurretik landutakoa ondo errotuz eta mantenduz, erronka berriei heltzeko prest dago. Erronka berri horien artean waterpoloa eta igeriketa sinkronizatua daude, "nahiz eta lehentasuna waterpoloari emango diogun oraingoz". Zentzu horretan, entrenatzailea aurkitzea da zailena eta entrenatzaile euskalduna gainera, Buruntzaldea IKT-k euskerarekin erabateko konpromezua baitu, bere argitalpen eta gizarteratze guztietan nabarmentzen den bezela eta baita bere barne praktikan ere. Entrenatzaile hori aurkitu bitartean, funtzionamendua nola izango den zehazten ari da taldea, "pertsona bat dugunean arlo hori ere martxan jartzeko".

